

DECRETUM

DECRETUM

Quo prohibetur absolutio à Casibus referuatis.



DITVM fuit aliàs à Sacra Congregatione S.R.E. Cardinalium, negotijs, & consultationibus Episcoporum, & Regularium præposita, Decretum super absolutione à Casibus referuatis eius, qui sequitur tenoris. SACRA Congregatio S. R. E. Cardinalium, negotijs, & consultationibus Episcoporum, & Regularium præposita, iussit & grauibz causis id exigentibus, ac de Sanctissimi D. N. CLEMENTIS P. P. VIII. speciali mandato, viua vocis oraculo desuper habito, Sacerdotibus omnibus tam secularibus, quàm Regularibus per vniuersam Italiam extra Urbem degentibus, ad confessiones audiendas probatis, quorumvis Ordinum etiam Mendicantium, Militiarum, aut Congregationum, etiam Societatis Iesu, & generaliter quarumcunque aliarum, quouis nomine nuncupentur, iubet, & præcipit; ne quis eorum, sub pretextu priuilegiorum, indulgentiarum, aut facultatum generaliter, vel specificè scripto, aut viua vocis oraculo, vel per communicationem à Sede Apostolica, vel eius auctoritate eorum Ordinibus, Congregationibus, Collegijs, vel Societatibus, aut Archiconfraternitatibus secularium, aut singularibus personis, seu alijs quomodocunque, sub quibusvis tenoribus, formis, & clausulis, etiam derogatorijs de derogatorijs, a cuiusvis etiam Imperatoris, Regum, aut aliorum Principum instantiam concessarum, seu confirmationum, alicuiusvis status, gradus, & conditionis, ac dignitatis, tam Ecclesiastica, quàm secularis, etiam Regia, vel Imperialis, ab villo ex Casibus clarè vel dubiè in Bulla die Cœnæ Domini legi solita, contentis, vel alijs quomodocunque, aut in futurum per Sanctitatem Suam, eiusus Successores pro tempore, in eadem Bulla, vel aliter referuandis, nec etiam à Casibus, quos Ordinarij locorum hætenus referuarunt, vel in posterum sibi referuabunt, nullo casu etiam necessitatis, vel impediementi, nisi in mortis articulo, seu cum noua, & speciali Sanctitatis Sua, aut Successorum suorum, vel Ordinariorum, quoad Casus ab ipsis tantum referuatis, respectiue, impetrata in scriptis licentia, Ordinarijs locorum exhibenda, absolutio beneficium de cetero impendere audeat, vel presumat: sed cum opus fuerit, penitentes ad Superiores, legitimosque Iudices suos accedere consulant; sub pœna contrasacientibus tam Regularibus, quàm secularibus, excommunicationis, priuationis officiorum, & dignitatum, aut beneficiorum, inhabilitatis item audiendi confessiones, & ad quacumque officia, prelaturas, beneficium in posterum obtinenda, ipso facto, absque vlla alia declaratione incurrenda: Super quibus à nemine, nisi à Romano Pontifice habitatis, dispensationis, aut absolutio, præterquam in mortis articulo, possit impartiri: Sanctitatem enim sua (quatenus opus sit) facultates, & concessiones ipsas in hac parte vti cassas, & irritas haberi de cetero voluit, & vult, non obstantibus quibuscunque.

Præterea nouerint penitentes, si quam obtinebunt contra huiusmodi prohibitionem, esse nullam, nulliusque roboris, & momenti. Et ne locorum Ordinarij, quibus ius hoc referuandum Casuum competit, plurium, quàm opus sit, reservatione, subditis, aut Confessarijs in animarum salute procuranda cooperatores sint onerosi, moventur omnes, vti paucos, eosque tantum, quos ad Christianam disciplinam retinendam, sanimarumque sibi creditarum salutem, pro cuiusvis Diocesis statu, & qualitate necessariò referuandos esse iudicauerint, referuent. In quorum fidem &c. Dat. Romæ die nona mensis Ianuarij Anni M. DCI.

Cùm autem dubia quedam ac difficultates circa eiusdem Decreti interpretationem atque obseruationem emerfissent, eadem Congregatio, ne vllus deinceps obsecuritati, serupulo, ambiguitatine locus relinquatur, & vt clarius appareat, in quibus casibus vigore eiusdem Decreti referuatis, intelligatur prohibita absolutio, speciali mandato eiusdem S. D. N. Clementis Papæ VIII. similiter viua vocis oraculo super ea re habito, ipsum Decretum ita moderatur, ac declarat, videlicet Sub eiusdem prohibitione illius tantum in posterum comprehendendi casus, qui in Bulla die Cœnæ Domini legi coniuncta continentur. Ac præterea: Violationis Immunitatis Ecclesiasticae in terminis Constitutionis fœl. rec. Gregorij XIII. quæ incipit: Tùm aliàs nonnulli. Violationis clausuræ Monialium ad malum finem. Prolocutionum & pugnantium in duello iuxta Decretum Sacri Concilij Tridentini, & Constitutionem fœl. rec. Gregorij Papæ XIII. incipientem: Ad tollendum. Inijcientium violentas manus in clericis, iuxta Canonem: si quis suadente &c. xvij. q. 4. ac iuris dispositionem. Simoniæ realis scientiæ contractæ, atque etiam confidentiæ beneficialis. Item omnes casus, quos Ordinarij locorum sibi referuarunt, vel in posterum referuabunt. In quibus omnibus iam enumeratis casibus dumtaxat, & sublata etiam pœna inhabilitatis audiendi confessiones eadem Sacra Congregatio vult, & mandat, dictum Decretum in sua firmitate & pristino robore permanere: Ac præterea, declarat eos quidem Sacerdotes, tam seculares, quàm Regulares, qui aliquo ex priuilegijs, indultis, & facultatibus in supra dicto Decreto expressis, suffulti fuerint, posse iuxta eorum priuilegia, indulta, & facultates, vsu ante idem Decretum, receptas, & quæ sub alijs reuocationibus non comprehenduntur, tantum, & non aliàs absoluerè à casibus in præsentem declaratione non comprehensis: alijs vero Sacerdotibus huiusmodi priuilegia non habentibus, nihil de nouo concedi. Sed ne locorum Ordinarij, ad quos casuum referuatio spectat, ea in re modum excedant, eadem Sacra Congregatio illos rursus magnopere admonendos censet, vt non passim, sed cum id videbitur communi bono expedire, atrociorum tantum, & grauiorum criminum absolutionem sibi referent, quorum referuatio ad Christianam disciplinam retinendam conferat in edificationem, non autem in destructionem cedat: ne alioquin Sacramenti Pœnitentiæ Ministrum coarctata potestate Sanctæ Matris Ecclesiæ pite menti contrarijs effectus subsequatur. Prohibet etiam, ne sibi superflue referuent casus in Bulla die Cœnæ Domini legi consueta, contentos, neque alios Sedi Apostolicæ specialiter referuatos. Facilius enim verò & licentiam absoluedi à casibus referuatis, quàm in scriptis tantum concedi permittebatur, etiam sola viua voce concedi posse declarat. Cæterum ne quis Sacerdotum secularium, aut Regularium, sub pretextu, quòd per primò dictum Decretum non fuerit sufficienter eorum, specialibus priuilegijs derogatum, eidem Decreto, sic vt præfertur declarato, contrauenire audeat, Sanctitas Sua Constitutionibus, & Ordinationibus Apostolicis omnibus, in fauorem quorumcunque Ordinum seu institutorum Regularium, aut Sacerdotum tam secularium, quàm Regularium editis, necnon eorundem Ordinum, seu institutorum, ac etiam Ecclesiarum, & Monasteriorum, & aliorum secularium, seu Regularium locorum quorumcunque etiam iuramento, confirmatione Apostolica, vel quauis firmitate alia roboratis statutis & consuetudinibus, priuilegijs quoque indultis, & literis Apostolicis etiam Mari magno, seu Bulla aurea, aut alijs nuncupatis eisdem Ordinibus, seu institutis, ac etiam Ecclesijs, & Monasterijs, & secularibus, seu Regularibus locis, aut personis sub quibuscunque tenoribus, & formis, ac cum quibusvis etiam derogatorijs derogatorijs, alijsque efficacioribus, & insolitis clausulis, necnon irritantibus & alijs decretis etiam Motu proprio, & ex certa scientia, ac de Apostolica potestatis plenitudine, aut aliàs quomodolibet etiam per viam communicationis, seu extensionis concessis, ac etiam iteratis vicibus approbatis, & innouatis, etiam si pro illorum sufficienti derogatione de illis, eorumque totis tenoribus, & formis, specialis, specifica, expressa, & indiuidua, ac de verbo ad verbum, non autem per clausulas generales idem importantes, mentio, seu quæuis alia expressio habenda, aut alia exquisita forma seruanda esset, tenores huiusmodi, ac si de verbo ad verbum, nihil penitus omisso, & forma in illis tradita obseruata, inserti forent, præsentibus præscriptis habens, quoad ea, quæ præsentibus aduersantur, illis aliàs in suo robore permanens, hac vice dumtaxat specialiter, & expressè derogat, contrarijs quibuscunque non obstantibus. Romæ die xxvj. Nouembris M. DCII.

Alex. Card. Floren. Episc. Prænestinus.

Hier. Agucchius Secret.

